



Inatsisartunut ilaasortamut Hans Enoksen (Siumut)
Uani

25. maj 2010 .
J. nr. 01.28. 2010-108

Saarullinnut pisassiissutit agguartarnerinut, Nuummi saarullinnik tunisisarnermut aamma aalisartunik tunitsiviup matuneqarneranik eqqugaasunut aningaasanut tunngasutigut ikiorsiisarnernut apeqqummut nr 108-mut akissut.

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Inatsisartut suleriaasianni § 36 imm. 1 naapertorlugu saarullinnut pisassiissutit, saarullinnik tunisisarnerit aalisartunullu aningaasanut tunngasutigut ikiorsiisarnernut pillugit apeqquteqaateqarsimavutit. Apeqquteqaat uanga akisussaaffeqarfinnut akisassanngorlugu ingerlateqqinneqarsimavoq.

Apeqqutit:

Apeqquteqaatigineqartut imaapput:

- 1) Naalakkersuisut saarullinnut pisassiissutit 5000 tonsit tamakkerneqarpata, saarullinnut pisassiissutit ilallugit pisassiissanersut?
- 2) Royal Greenland-i Nuummi saarullinnik tunisisarneq pillugu sunik pilersaaruteqarpa?
- 3) Aalisartunut pisassiissutit tamakkerneqarpata tunisinerlu unitsinneqarluni taava Naalakkersuisut aalisartunut aningaasanut tunngasutigut ikiorsiissanersut, ikiorsiissutit EU-p Kalaallit Nunaata imartaani aalisarnissamut akuersissummut akiliutaanit Kalaallit Nunaata pisartagaanit tunniuneqarsinnaagaluarput.

Akissutit:

Apeqqummut 1-mut

2010-mut uumassuseqartutigit pinnguutitut siunnersuutaagaluartoq saarullinni-artoqanngilluinnassasoq, aalisakkanik tukersimasunik amerlisaanissaq siunnerfigiumallugu, taamaasilluni ungasinnerusoq isigalugu saarullinnik ukioqatigiikkuutaanik akulikinnerusunik pilersitsiniarluni.

Kangerlunni saarullinniarnert annikillisinnerisigut saarullit tukersimasut ineriartortinni-qarnissaat ilaatigut siunnerfiugaluarpoq taamaasilluni taakku saarullit avataani aalisarfinni pitsaanerusemik aalisarnissamut tunngaviussammata.

Taamaattumik Naalakkersuisut mianersornissamut tunngavik malillugu aalajangiisimapput tassa avataani aalisarnernut sinerissamilu qanittumi aalisarnernut saarullinnut

pisassiissutit assigiimmik 5.000 tonsingorlugit aalajangerneqassasut, taamaasilluni pisassiissutit katillugit 10.000 tonsiupput

2010-mut saarullinnut pisassiissutinik 5.000-miit 10.000 tonsinut annertusinissamut qinnuteqaat itigartitsissutigineqarpoq ulloq 19. januar 2010 sinerissamullu qanittumi aalisarnermut saarullinnut pisassiissutit agguarneqarsimasut tamakkerneqarpata pisassiissutinik agguaassisoqqaqinniingilaq.

Naalackersuisulli avataasiortuniit pisassiissutaasunit qaqinngitsuukkanik sinerissamut qanittumi aalisartunut nuussisinnaanermut periarfissamut nangaassuteqanngillat.

Apeqqummut 2-mut

Nuummi Aalisakkeriviup tunitsivigineqalernissaa aallartissaaq ulloq 1. juni, nipisaat suanniarneq naappat.

Kikkulluunniit tamarmik atuuttumik akuersissutillit saarullinnik tunisisinnaatitaapput ammasarfiit tunisinnaasallu annertussusaat naapertorlugit (holdit 1 imaluunniit 2) aalisakkanut tulaassorneqartunut tulluarsarneqassapput.

Annertuallaamik tunisassanik pilersuisoqalissagaluarpat, allaat piffissap ilaani tunisanik annikilliliisariaqarneq pisariaqarlerluni, taava aalisakkeriviup tulaassuisui aalajangersimasut salliutinneqartariaqassapput.

Apeqqummut 3-mut

Naalackersuisut maannangaaq pilersaaruteqanngillat aalisagartassiissutit aalisarneqareernerata kingorna aalisartunut tunisisinnaajunnaartitsinerup kingunerisaanik eqqugaasinnaasunut aningaasatigut tapersiuteqarnissaminnik. Aalisartut aalisakkamik aalajangersimasumik tunisinnaajunnaarnermikkut eqqugaasinnaasut kaammattorneqassapput aalisakkanik allanik aalisaqqullugit.

Aningaasat Kalaallit Nunaata EU-mit pisartagai assigiinngitsunik siunertalinnut aalajangersimasunut atugassaapput, taassuma ataani ilaatigut aalisartoqarnerit iluini ilinniartitsinerut suliniutinut kiisalu Aalisarsinnaanermut Akuersissutinik Nakkutillisoqarfimmut atugassiaaereput.

Inussiarnersumik inuulluaqqusillunga

Ane Hansen

Aalisarnermut, Piniarnermut Nunalerinermullu Naalackersuisoq